



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 7. Helvetii a Galliarum Rege ad conciliandos ipsi Electores rogati

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

Sæcul. XVI. A.C. 1519. giæ Caroli Hispaniarum Regis familiæ suffragaturum fidem dedisset.

§. VI.

Helvetii a Galliarum Rege ad conciliandos ipsi Electores rogati.

Præterea Franciscus Galliarum Rex ad Helveticas Tribus Antonium de Lamet supplicatum misit, ut ejus electioni faverent, datumque fuit Lameto negotium, ut in Badensibus comitiis Helvetis proponeret, quod tanta foret Turcarum potentia, ut vel eis cedendum, vel pugnandum esset; cum autem a nullo nisi ab eo, qui Galliæ, Germaniæ ac Italiæ vires unitas haberet, eorum ausus frangi possent, ac conciliandæ ejusmodi unioni Helvetii, eo quod inter tres hosce status justo situs spatio interponerentur, oppido idonei forent; hinc Rex Christianissimus, aiebat legatus, eos rogat, atque obtestatur, ut ejus votis suffragarentur; vicissim vero ille pollicetur, se imperio potitum arma sua usque ad Thraciæ fines circumlaturum. Attamen ad hæc Helvetii respondebant: obstant pacta nuper cum Gallis inita, vi quorum polliciti sumus, quod nec Sacræ Sedis, nec Romani Imperii negotiis ullo pacto nos ingerere velimus, proin relinquimus plenam

plenam Electoribus libertatem. His dictis Sæc. XVI.
A.C. 1519.
Lametum, comiter licet, re tamen infesta valere jubebant. Verum haud diu Helvetii a neutrius partis studio alienos sese servabant; vix enim Lametus discesserat, cum illi datis ad sacrum Electorum Collegium literis supplicarent, ut Gallum, si Germaniæ libertatem salvam conservare velint, penitus excluderent (*). Ceterum in hac epistola neque etiam Carolo Regi Catholico patrocinabantur.

§. VIII.

Nec Carolus nec Franciscus Pontifici acceptus.

Ex altera vero parte Leo Papa nil intentatum reliquit, ut Electores nec Carolum nec Franciscum in Cæsarem nominarent; cum enim hic Mediolani Ducatum, ille autem Neapolis Regnum possideret, verebatur Pontifex, ne alterutrius Monarchæ electio aliquando Italiæ quietem perturbaret, ac præcipue summorum Pontificum potentiam restringeret.

(*) *Has imperium venandi artes a Continuatore silentio pressas fuisse, Gallorum quamplurimi peroptabant. Ast nempe alienæ gloriæ nimium invidus, non raro propriæ inimicus evadit.*